



Broj: 02-05-2355/17

Lukavac, 10.11.2017. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-2355/17 od 09.11.2017. godine u postupku nabavke računarske opreme Općinski načelnik d o n o s i:

ODLUKU

o izboru najpovoljnijeg ponuđača za nabavku računarske opreme

Član 1.

Prihvata se preporuka Komisije za provođenje postupka javne nabavke broj: 02-05-2355/17 od 09.11.2017. godine i Ugovor za javnu nabavku računarske opreme, dodjeljuje se ponuđaču GODIMERC d.o.o. Sarajevo ponuda broj: 3010A-17 od 30.10.2017. godine i konačne rang liste nakon završene e-aukcije, za ponudenu cijenu u vrijednosti od 54.450,00 KM bez PDV-a, kao najpovoljnijem ponuđaču.

Član 2.

Ponuđač GODIMERC d.o.o. Sarajevo dužan je nakon prijema Odluke o izboru dostaviti u roku od 7 dana orginale ili ovjerene kopije dokaza o ispunjavanju uslova iz čl. 45. Stav (2) tačka od a) do d) Zakona o javnim nabavkama BiH, navedene u tački 12. od a) do d) i orginale ili ovjerene kopije dokaza traženih tačkom 13.2.2. a) tenderske dokumentacije broj: 02-05-2355/17.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijeliti će se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 15 (petnest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na intrenet stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-2354/17 od 12.10.2017. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 54.799,14 KM.



Obavještenje o nabavci broj: 719-1-1-79-3-54/17 objavljeno je na Portalu javnih nabavki dana 13.10.2017. godine.

Komisija za provođenje postupka nabavke imenovana Rješenjem broj: 02-05-2409/17 od 18.10.2017. godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-2355/17 od 06.11.2017. godine, zapisnik o pregledu i ocjeni ponuda broj: 02-05-2355/17 od 09.11.2017. godine, Preporuku o izboru najpovoljnijeg ponuđača broj: 02-05-2355/17 od 09.11.2017. godine i Izvještaj o radu broj: 02-05-2355/17 od 09.11.2017. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno dvije ponude;
- da je blagovremeno primljeno dvije ponude;
- da nije bilo neblagovremeno primljenih ponuda;
- da su ponude ponuđača GODIMERC d.o.o. Sarajevo i IMEL d.o.o. Lukavac kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 54.799,14 KM i da je kriterij za dodijelu ugovora najniža cijena.

Ponuđač GODIMERC d.o.o. Sarajevo dostavio je prihvatljivu ponudu sa konačnom cijenom nakon e-aukcije u iznosu od 54.450,00 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.


Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



Dostaviti:

1. GODIMERC d.o.o. Sarajevo
2. IMEL d.o.o. Lukavac
3. Evidenciji
4. Arhivi



OPĆINSKI NAČELNIK
Dr. Sc. Edin Delić